




"A child who knows she
is loved can step into the
world with confidence!"



ATTACHMENT NETWORK OF MANITOBA

attachmentnetwork.ca
attachmentnetwork@shaw.ca

**FOR MORE INFORMATION ON
ATTACHMENT VISIT:**
circleofsecurity.net

MANITOBA PARENT ZONE:
manitobaparentzone.ca/baby

**Mitátat kékwán
ana ká máci
kiskinawámát awásis
ká natawénimis ta
mamitonénitaman**





- 1** **Ninatawénitén ta natawikkénitamán éko tátí kaskiyáyán ta péyakó kamásoyán kékawána.** Ispík ité épéyatakénitákok, nikakí itotéstamáson óki ité cíkic kékawána ká takoki, apók nántaw ité ta natawi wíci kapésímakik nitótémak wéká kapésiwinak ta péyako itotéyán máka ká wícéwáwak. Ispík tápwékénimiyani, náspic niminomacihon éko ká kaskitán kotaka oski kékawána ta kiskénitamán tátí isi itótamán.
- 2** **Náspic nicikénitén óma énistotamék óma énatawénitamán tátí isi opikiyan káwi "Iténimisoyán".** Nisákwénimoskákon óma kápé itotéyék épé kinawápamiyék óma ká sésáwi nímiyák kiyám áta nawac kita minéniténawáw takí métawéyán ká papamiyépiskamátonániwak tókán! Minénitamiyik óma nawac pakán é itátisiyan éko éká náspic awiyak ókik níscisanak énispitawakik wéká anikik kotakak awásisak néte ká wícéwakik kiskinawatowikamikok.
- 3** **Ninatawénitén áskaw ta pa péyatakapiyán.** Ká wanénitamonániwaki ta itócikániwaki kékawána éko anihí pinésiwískotéw ta oci pimipanitániwaki minénitákonwa máka ninatawénitén áskaw éká kékawána ta isi wanásowátiwakiyán, nántaw ispík éká mwéci ta itótamán kékawána anihí ká ápataki pinésiwískotéw ká oci pimipanicikátéki ta ápacitayán inikok ta anwépiyán nimamitonénikan ta ástétitayán inikok kawisk ta mamitonénitamán kawisk ta itótamán kékawániw kékí nójcitayán. Wésám mistahi ékinawápatamán anihí ká nökopaniki ká cikástépaniki móna kí mino ástémacihon nimamitonénikanik. Síkitisawik ta métawéyán ta waskawíyán inikok kawisk ta itamacihoyán nimamitonénikanik éko ni míyaw ta mino ayáyán.

- 4** **Kinawénitétak anima ká isi maskawi sákihitowak.** Kiyám áta wésám piko tátipaw é papá wícéwakik anikik nitótémak, kiyápík ki natawénimitinawáw ta itótamak kékawána émocíkaki, ta kakitotityak kiskisiwina ta ositáyak anihí itowa ká minénitamihikoyak.
- 5** **Kiyápík ni tati kiskénitén tánisi óma ta itátisiyán.** Kisáspin wanítótamáni kékawána anima oci ká itátisiyán, kika natawénimitin óma ta wítamawiyán óma kiyápík é sákihiyán éko tátí wícihiyán óma ta nisitotamán kékawán tánisi kákí isi wanítótamán. Ninatawénitén ta kiskénitamán piko ispík takípé natawápamitán éko éká nántaw ta iténimiyán ta wanásowátaman óma kákí wanítótamán éko ta wíciápawistawiyán óma ta kawisk mamitonénitamán kítwám itótamáni kékawán.
- 6** **Wícihihik tánisi kéké itótamán éká wésá ta ákaménitamihikoyán kékawán.** Áta ocitaw áskaw ákaménitákon kékawána, kinatawénimitin ta wícihiyán óma ispík mána kékawán ká ániménitamihikoyán. Wícihihik óma kawisk ta manitonénitamán tánisi káwí itótamán kékawána éko étamacihoyán óma óta ká ayáyán éko ta kinawápatamán éká ta paskinákoyán anihí ká ániménitamihikoyán wéká anihí ká píkiskáténitamihikoyán.
- 7** **Wanasták tánikok kékawána kékí nójcitayán.** Niminénitén é wícihiwéyán óma ispík ká ositániwaki itasowéwina éko kotaka kékawána máka óté mitoni ká isi nóté kiskénitamán óma ta wítamawiyék kékawána kékí itótamán ispík natawénimitako.
- 8** **Wápatinin óma éminénitamék é wápmiyék tanto kísikaw ká ati otakosik ispík.** Áskaw óma áta piko acinaw é wítapimitán náspic niminénitamihikon óta písci nimósotáwinik. Ninóté kiskénitén ókik nititátotéwisiwak é náskomocik éko é sákihihik kiyám piko kékí ati ispanihikoyán.



- 9** **Kécinác óma ta itatoskátamék kakinaw é péyatakénitákok.** Ocinákacihin anihí kékawána éká ká káskitayán nína ta paminamán. Oci nákacitá tánisi étápacitayán anima kakinaw kékawána ká nökopaniki cikástécicikanik oci wéká awiyak ká masinayákik ita, kékwan ka kinawapatamán cikastépicikanik éko awina ka tapitawi papa wicewak. Wícihihik ta kiskénitamán táníwé anihí kékawána éká ta wísakáspinatikoyán éko kékawán kékí minwásiki ta nójcitayán óma mékwác ká itatwáskinéyán.
- 10** **Kiyápík ninatawénitén ta ákwaskitinikawiyán.** Apók étoké ásay wésá nimisikitin ta takótapistátán máka wina kiyápík niminénitén émiciminikawiyán éko ékísónikawiyán inikok ta mino macihoyán.